



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

350. Quid agere oporteat propinquos illius qui Ecclesiam ditavit de rebus suis, si præviderint ex colatis aliquid defraudatum Ecclesiæ.

urn:nbn:de:hbz:466:1-14622

De eadem re. *Ex eodem.*

Concil. Carthag. c. 26.

CCCXLVIII. Placuit ut rem Ecclesiæ nemo vendat. Quòd si redditus non habet, & aliqua nimia necessitas cogat, hoc insinuandum est primati provinciæ ipsius; ut cum statuto numero Episcoporum, utrum fiendum sit, arbitretur. Quod si non fecerit, reus Deo & concilio venditor amisso honore teneatur.

*Ex decretis sancti Martini Papa.*Martin. Bracar. c. 14.
Burchard. lib. 1. c. 215. & lib. 3. c. 181.

* infcio clero

CCCXLIX. Si quis Episcopus, nulla ecclesiasticæ rationis necessitate compulsus, * in suo clero, aut ubi fortè non est Presbyter, de rebus ecclesiasticis aliquid præsumpserit vendere, res ipsas Ecclesiæ propriæ restaurare cogatur, & in iudicio Episcoporum deiciatur auditus, & tanquam furti aut latrocinij reus suo honore privetur.

Quid agere oporteat propinquos illius qui Ecclesiam ditavit de rebus suis, si præviderint ex collatis aliquid defraudatum Ecclesiæ. *Ex Concilio Toletano.*

Concil. Tolet. 9. c. 1.
Burchard. lib. 3. c. 182.

CCCL. Omnis itaque rei ecclesiasticæ quantitas, sicut remedium veniæ tribuit conferenti, ita damnum rite præparat fraudatori. Et ideo nullus sacerdotum vel ministrorum ex rebus Ecclesiæ, quæ in quibuscunque locis a fidelibus largiuntur, aliquid auferat, vel iuri suo aut cathedræ propriæ unitati connectat. Verùm ut hujus rei potior soliditas habeatur, propinquis ejus qui construxit vel ditavit Ecclesiam licitum sit hanc bonæ intentionis ha-

bere solertiam, ut si sacerdotem seu ministrum aliquid ex collectis rebus præviderint defraudare, aut commonitionis honesta conventionne compescant, aut talia Episcopo vel judici corrigenda denuntient. Quod si talia Episcopus agere tentat, Metropolitanus ejus hæc in sinuare procurent. Si autem Metropolitanus talia egerit, Regis hæc auribus intimare non differant. Ipsi tamen heredibus in eisdem rebus non liceat quasi juris proprii potestatem præferre, non rapinam, non fraudemingere, non violentiam quamcunque præsumere. Si quis hæc monita temerare præsumpserit, & malè rapta cum confusione restituet, & excommunicationis annuę sententiam sustinebit.

De terrulis & exiguis vineis. *Ex Concilio Agathensi.*

CCCLI. Terrulas aut vineas exiguas & Ecclesię minùs utiles aut longè positas parvas Episcopus sine consilio fratrum, si necessitas fuerit, distrahendi habeat potestatem. Conc. Agath. c. 45.

Quod fugitivi servi Ecclesię permittuntur distrahi. *Ex eodem Concilio.*

CCCLII. Fugitivos etiam servos, domos suas aut familias deserentes, qui etiam si revocati fuerint, teneri non possunt, similitudine ab Episcopo, si voluerit, aut si ita illi meruerint, distrahantur. Conc. Agath. c. 46. Burchard, lib: 3. c. 188.

* * *